

**TASVIRIY SAN'ATNING RIVOJLANISH TARIXINI O'RGANISH VOSITASIDA LIBOS
DIZAYNI TA'LIMINI YOSHLARGA O'RGAATISHNI TAKOMILLASHTIRISH**

Navro'zova Xurshida Nurullayevna
10-maktab o'qituvchi tasviriy san'at o'qtuvchisi

Annotatsiya: Maqolada tasviriy san'atning rivojlanishning tarixiy bosqichlari, o'qitish usullari va vositalari, turli davrlarda badiiy san'at bilan ijod qilgan mashhur rassomlar, metodist olimlar va ularning mazkur sohani rivojlanishi uchun qo'shgan hissalari xaqida boradi.

Kalit so'zlar: tasviriy san'at, rangtasvir, haykaltaroshlik, qadimgi maktablar, tasvirlash metodi.

**IMPROVING CLOTHES DESIGN TEACHING TO YOUNG PEOPLE THROUGH
STUDYING THE HISTORY OF THE DEVELOPMENT OF THE FINE ARTS**

Abstract: The article deals with the historical stages of development of fine arts, teaching methods and tools, famous artists, Methodist scholars who have worked with art in different periods and their contribution to the development of this field.

Keywords: fine arts, painting, sculpture, ancient schools, method of depiction.

Tarixdan ma'lumki, jahonda tasviriy san'atni o'qitilishiga doir dastlabki ma'lumotlar qadimgi Misr va Yunonistonda eramizdan avvalgi 9 asrlarga tegishli materiallardan ma'lum. Qadimgi Misrda tog' qoyalariga o'yib ishlangan haykallar, shuningdek, rangtasvir asarlari o'zining yuksak badiyligi va ishlanish texnikasi jihatidan bugungi kunda ham insonlarni hayratga solib kelmoqda. Kishilar o'z tajribalarini keyingi avlodlarga turli yo'llar bilan ibtidoiy jamoa davridan boshlab o'tkazib kelganlar. Bunga eng qadimgi Misrda rasm chizishga o'rnatishga doir tarixiy manbalar guvohlik beradi. Tasviriy san'atni o'qitish ishi bilan odamlar qadimdan shug'ullanlib kelganliklari ko'proq qadimgi Misr manbalarida saqlanib qolgan. Misr maktablarida rasm ishlashga o'rnatish muntazam ravishda amalga oshirilgan. Tarixiy ma'lumotlarga qaraganda maktabni tugallab chiqayotgan yoshlari ma'lum maydon yuzasini o'lhash va uni qog'ozga tushura oladigan, bino tarxini (rejasini) chiza oladigan, ariq va kanallarning sxemasini tasvirlay oladigan bo'lislari talab etilgan. Bolalarni rasm chizishga o'rnatishda qo'lni erkin harakat qilishiga alohida e'tibor berilgan. Erkin, yengil, ravon chiziqlar chizish maxsus yuzalarda yoki papirus qog'ozlarda bajarilgan. Shuni alohida aytib o'tish lozimki, bu davr maktablarida bolalarning o'qishlariga nihoyatda yuqori talablar qo'yilgan. Misr maktablarida rasm chizishga o'rnatish nazariyasi bor-yo'qligi ma'lum bo'lmasa-da, ayrim rasm chizish

qidalar qo'llanilgan. O'qituvchilar rasm chizishni (shakl, rang, o'lcham, tuzilishi v.b.) tabiatni kuzatish asosida emas, ko'proq namunadan, sxemadan kataklar yordamida ko'chirish orqali o'rgatganlar. Ayrim ma'lumotlarga qaraganda, Misrda rasm chizishga o'rgatish qadimgi Yunonistondan ancha avval boshlangan. Italiyalik 15 asr me'mori, yozuvchisi va olimi Leon Batista Alberti shunday deb yozadi: «Misrliklarning yozishicha, rangtasvir ishlash ularda Yunonistondan 6 ming yil avval mavjud bo'lgan». Rasm chizishga o'rgatish qadimgi Yunonistonda ham o'ziga xos yo'nalishda amalga oshirilgan. Ularda rasm ishlashga o'rgatishda tabiatni, butun borliqni o'rganishga, unda go'zalliklarni idrok etishga alohida e'tibor berilgan. Rasm ishslash uchun yog'och taxta ustiga asalari mo'mi surtilgan va uning ustini bo'yoq bilan sidirg'a bo'yagan. Rasm ana shu yuza ustiga o'tkir tig' yoki suyak bilan chizilgan. Noto'g'ri chizilgan rasm qo'l bilan ishqalanib, chiziqlar o'rni to'ldirib o'chirilgan. So'ngra tekis yuzaga yangi rasm ishlangan. Yunon rassomlari borliqni va turmushdagi go'zalliklarni kuzatish asosida tasvirlashni qonun va qoidalarini ishlab chiqqanlar. Ularning fikricha go'zallik, ko'proq xushbichim, tartib, ritm va simmetriya, bo'laklar o'rtasidagi mutanosiblik, to'g'ri matematik munosabatlarda ifodalanadi. Keyinchalik Yunonistonda rasm ishlashning bir necha o'ziga xos maktablari paydo bo'lgan. Ular orasida tasviriy san'at va uni o'qitish taraqqiyotida Sikion maktabi katta rol o'ynagan. Bu mакtabda o'qitish ishlari ilmiy asosda tashkil etilgan bo'lib, bolalar ko'proq tabiatga, uning qonuniyatlarini bilishga qaratilgan. Ushbu mакtabni bitirganlar orasida Pamfildek mashhur rassomlar ham bo'lgan. Pamfil rasm chizishning ta'lim va tarbiyaviy ahamiyatini ko'rsatib bergen. Bu haqda uning zamondoshi Pliniy shunday deb yozgan edi: «Uning sa'y-harakati bilan avval Sikionda, so'ngra Yunonistonda hamma bolalarga rasm chizishni o'rgatish lozimligi belgilab qo'yilgan. Boshlang'ich ta'lim rasm chizishdan boshlanishi qayd qilingan edi». Uyg'onish davriga kelib esa rasm chizish tajribalari yanada ortdi. Uyg'onish davrida Italiya tasviriy san'ati va uni o'qitish metodi katta rol o'ynagan. Bu davrda rasm chizish umumiyligi ta'lim beradigan o'quv predmetlari qatoriga kiritildi. Mashhur rassomlardan Chennino Chennini, Leon Batista Alberti, Leonardo da Vinchilar bu borada e'tiborga loyiq ishlarni amalga oshirganlar. Ularning asarlarida fan va san'at o'rtasidagi aloqalar, shakl nisbatlari, perspektiva, anatomiya masalalari asosiy o'rinni egalladi. Ularning fikrlariga ko'ra naturaga qarab rasm ishslash o'qitishning asosini tashkil etishi lozim hisoblangan. Ayniqsa, Leonardo da Vinci tasviriy san'atni o'qitish metodikasi rivojlanishiga katta hissa fo'shdi. U o'zining «rangtasvir haqida» nomli asarida rassomlikni jiddiy ilmiy fan sohasi deb qaraydi. U ko'p yillar davomida anatomiya, rang, inson tana a'zolari o'rtasidagi mutanosibliic qonuniyatlarini ishlab chiqqan. Tasviriy san'atni o'qitishni takomillashtirishda Uyg'onish davrining nemis rassomlaridan A.Dyurerning xizmatlari ham katta bo'ldi. U birinchi bo'lib rasm ishslashni yengillashtirish uchun geometrik metodni o'ylab topdi. Uning fikricha, har qanday buyum, narsalar asosida geometrik jism shakli yotadi. Shuning uchun u yoki bu narsalarni tasvirlashda awal geometrik jism shaklini chizib olinishi lozim, keyin ular umumlashtirilib, haqiqiy tasvir hosil qilinadi. Keyinchalik uning bu metodi Dyupyui, Anton Ashbe, Chistyakov kabilarning pedagogik faoliyatlarida keng qo'llanila boshlangan. Bu usul

hozirgi kunlarda ham o‘z kuchini yo‘qotganicha yo‘q. Tasviriy san’atni hamma umumiyligi ta’lim maktabalarida o‘qitilishining foydali ekanligi buyuk chek pedagogi Ya.A.Komenskiy tomonidan uning «Buyuk didaktika» asarida rivojlantirildi. Umumiy ta’lim tizimida rasm ishiashni takomillashtirishda fransuz olimi J.J.Russoning fikrlari diqqatga sazovordir. U o‘zining asarida borliqni bilishda naturaga qarab rasm ishlashning ahamiyati katta ekanligini isbotlab bergen. Uning fikricha rasm chizishni ko‘proq tabiat qo‘ynida amalga oshirish samarali ekanligini ma’lum qilgan. Chunki, bolalar tabiat qo‘ynida narsalarni haqiqiy rangi, perspektiv qisqarishlarini ko‘rgazmali ravishda o‘z ko‘zlari bilan ko‘radilar, uning qonunlarini ongli ravishda tushunib yetadilar. Yevropa pedagoglari orasida rasm chizishni umumiyligi ta’lim maktabalarida alohida o‘quv predmeti sifatida o‘qitilishi va uni takomillashtirishda I.V.Gyote (Germaniya), I.G.Pestalotschi, I.Shmidt va P. Shmidt (Shvetsariya), A. Dyupyui va F. Dyupyuilar (Fransiya) katta hissa qo’shdilar. Umumiy ta’lim maktabalarida rasm ishlashda natural metoddan ko‘ra geometrik metodlarni afzalliklarini N.Pestalotschi, P.Shmidt va I.Shmidt kabi pedagoglar yoqlab chiqdilar. Natijada, maktablarda rasm chizishga o‘rgatishda ikkita qarama-qarshi natural va geometrik metodga asoslangan ikki oqim paydo bo‘ldi. Naturaga asoslangan rasm chizishni ustunliklarini Ya.A.Komenskiy, J.J.Russo, I.V.Gyotelar yoqlagan bo‘lsalar, geometrik metodni ko‘proq I.G.Pestalotschi, I.Shmidt va P.Shmidt, F.Dyupyuilar asoslashga harakat qildilar. Lekin XIX asrning ikkinchi yarmidan geometrik metod Yevropaning ko‘p mamlakatlarida qo’llanila boshlandi. Shunday qilib, XIX asr o‘rtalariga kelib, Yevropada rasm chizish fan tarzida umumiyligi ta’lim maktabalarida o‘qitilishi ancha rivoj topdi. Bu sohada rassom va muallimlardan tashqari san’atshunoslar, pedagog, psixologlar, shifokorlar shug‘ullana boshladilar. Rasm chizishni o‘qitish metodologiyasiga doir bir qator adabiyotlar nashr etila boshlandi. Bu borada Kulman, Prang, Baumgart, Ausberg, Braunshvig, Tedd kabilalar jonbozlik ko‘rsatdilar. Bular tomonidan yaratilgan adabiyotlarda rasm chizish qoidalari, uning metodikasida qarama-qarshi fikrlar bo‘lsa-da, biroq natural metod borasida bunday qarama-qarshi fikrlar ro‘y bermadi. XVIII-XIX asrlarda Rossiya maktabalarida tasviriy san’at umumiyligi ta’lim o‘quv predmeti sifatida XVIII asrning boshlarida paydo bo‘ldi. Bu davrda rasm chizish Dengiz akademiyasi, xirurgiya maktabi, kadetlar mакtabida, fanlar akademiyasi qoshidagi gimnaziyada, qizlar tarbiya bilim yurtida o‘qitilgan. Bu o‘quv yurtlarida rasm chizishga o‘rgatish rassomlar tayyorlash uchun emas, balki yoshlarni kasbiy faoliyati va kelajak hayotlarida foydalanishlari uchun kerak bo‘ladigan soha deb qaralar edi. 1934-yilda rus rassomi A. Sapojnikov birinchi bor umumiyligi ta’lim mакtablari uchun «Rasm chizish kursi» nomli darslikni yaratdi. Mazkur darslik naturaga qarab rasm chizishga asoslangan edi. Darslik realistik rasm ishlash asosida qurilgan bo‘lib, unda perspektiva, yorug‘-soya qonunlari ham o‘z aksini topgan edi. Shu bilan bir qatorda Sapojnikov sim, karton, gips kabi materiallardan narsalar tuzilishi, perspektiv qisqarishi, hajmiga doir metodik ko‘rgazmali qurollar majmuasini ham yaratdi.

Muallifning tavsiyaiariga ko'ra har qanday natura asosiga turli hajmli va yuzali geometrik shakllar yotishi, shuning uchun ham rasm chizishda geometrik metoddan foydalanish maqsadga muvofiqligi bayon etilgan. Rossiyada tasviriy san'atni umumiy ta'lif matablarida o'qitilishiga doir yirik fundamental asar yaratganlardan biri G. A. Gippius bo'ldi. Uning «Ocherki teorii risovaniya kak obshcheho uchebnogo predmeta» nomli asarida o'sha davrdagi rasm chizishga o'rgatishdagi eng ilg'or g'oyalar o'z aksini topgan edi. Rossiya matablarida rasm chizish ommavly tarzda o'qitila boshlangach rassomo'qituvchilarning yetishmasligi muammosi paydo bo'ladi. Maxsus o'qituvchilar tayyorlash maqsadida 1825-yilda Moskvada Stroganov nomidagi texnikaviy rasm bilim yurtida yangi bo'lim ochilib, unda rasm o'qituvchilari tayyorlana boshladi. 1879-yildan esa Sank-Peterburg badiiy akademiyasi qoshida rasm o'qituvchilari tayyorlovchi kurs ochildi. Bu kurslar uchun dastur, metodik materiallar tayyorlashda badiiy akademiya professori P. Chistyakov faoliyat ko'rsatdi. Bu davrda tuzilgan dastur va qo'llanmalarda A.Sapojnikovning geometrik ko'chirish metodlari amaliyotdan chiqarilib, matabda rasm darsi faqat natural metod asosida rasm ishlashdan iborat ekanligi qayd qilindi. Mazkur dastur va qo'llanmalarda bolalar tasviriy faoliyatlariga erkinlik berish lozimligi ham belgilab qo'yildi. Rasm chizish muammolarini hal qilishda XIX asr boshlarida Moskva va Peterburg shaharlarida tashkil etilgan «Rasm o'qituvchilari jamiyati» e'tiborga loyiq ishlarni amalga oshirdi. Bu davrda mutaxassislar orasida rasm chizishga o'rgatish masalalari katta qiziqish uyg'otgan bo'lishiga qaramasdan, bu sohada qarama-qarshi g'oyalar ham kuchaydi. Ana shundaylardan bin formalistik oqim edi. Bu oqimning vakillaridan Kersliyenshteyner va Dyupyui g'oyalarini Rossiyada tashviqot qilishda Bakushinskiy katta rol o'ynadi. Uning fikricha badiiy tarbiyada «Maktab» kerak emas, bolalarni o'qitish ham kerak emas, ular xohlagan ishlarini bajarsinlar, o'qituvchi faqat kuzatib turishi lozim degan g'oya bilan chiqdi. 1918-yilda Peterburgda nashr etilgan V.I.Beyer va A.K.Voskresenskiylarning «Risovaniye na nachalnoy stupeni obucheniya v svyazi s lepkoy i chercheniyem» nomli qo'llanmalarida naturaga qarab rasm ishlash, illyustrativ rasm ishlash, dekorativ rasm ishlash va suratlarni kuzatish bo'limlari mavjud edi. Rossiyada rasm chizish metodikasini takomillashtirishda 1933-yilda tashkil topgan «Bolalar badiiy tarbiyasi markaziy uylari» muhim ahamiyat kasb etdi. Bu markaz faoliyati bilan bog'liq holda P.Ya.Pavlinovning «Graficheskaya gramota», N.Radlovning «Risovaniye s natury», «Sbornik zadaniy po risovaniyu», Ya.Bashilov va E.Kondaxchanlarning «Detskiy risunok» va boshqa qo'llanmalar chop etildi. Rossiyada, shuningdek, sobiq ittifoq Respublikalarida rasm chizishni rivojlanishida 1943-yilda tashkil topgan Rossiya pedagogika fanlar akademiyasi katta rol o'ynadi. Keyinchalik bu akademiya asosida 1967-yilda sobiq pedagogika fanlari Akademiyasi tashkil topib, uning tarkibida badiiy tarbiya ilmiy tadqiqot instituti ochildi. Bu institut umumiy o'rta ta'lif matablarida estetik tarbiyaga doir ilmiy metodik tadqiqotlar olib borishda asosiy markaz bo'lib qoldi. Bu borada Rossiya Maorif vazirligi tasarrufida tashkil etilgan maktablar ilmiy tadqiqot instituti va uning tasviriy san'atni o'qitishga oid laboratoriysi diqqatga sazovor ishlarni olib bordi.

FOYDALANILGAN ADABIYOTLAR :

1. Boltaboevich, B. B. (2020). Formation of the skills of portraying the future teacher of fine arts in pencil drawing. ACADEMICIA: An International Multidisciplinary Research Journal, 10(5), 1122-1127.
2. Baymetov, B. B., & Muratov, K. K. (2020). Self Sketches as a Tool in the Professional Training of a Future Artist-Teacher. Solid State Technology, 224-231.
3. Байметов, Б. Б. (2016). История развития изобразительного искусства Узбекистана. Наука, образование и культура, (1 (4)).
4. Baymetov, B. B., & Sharipjonov, M. S. O. (2020). Development Of Students' Descriptive Competencies In Pencil Drawing Practice. The American Journal of Social Science and Education Innovations, 2(08), 261-267.
5. Boltabayevich, B. B., & Shodievna, B. O. (2020). Individual Approach To The Formation Of Artistic And Creative Talents Of Students In Art Schools. The American Journal of Social Science and Education Innovations, 2(08), 637-642.